

# Diidxa' Guie'

sti' Víctor de la Cruz

Ti ganda guidale ca *Diidxa' Guie'* di' la?, bisiguenda stale binni ne yoo dxiiña', ne bidii stiidxaca' guireeche ca dxiiña' nandxó' sti' ti binni nabé risaca lade guirá' ca binni rucaa lu guí'chi' sti' guidxi dagulisaa Méxicu ne naquiiñe' gusísácanu laabe lu chupa neza , saca nácabe binnizá la?, ne saca nácabe binni gule lade ca guidxi dagulisaa Méxicu. Lade ca guí'chi' libilisaa ni ma' gulee Víctor, rarí' niru do' dagulisaa 19 diidxa' guie', chonna ni gucuá lu diidxastía bitíixhibe laaca' lu diidxazá, zacaca cá rarí' ca diidxa' bizeetebe raca 11 iza dxi gucuuabe "Premio Nezahualcóyotl de Literatura en Lenguas Indígenas". Laaca naquiiñe' gud'nu diuxquixe Víctor ti bisiguenda guidopa lu guiiba' ca diidxa' guie' sti', ne ca diidxa' bizeetebe lu iza 1994.

Instituto Nacional de Lenguas Indígenas nandxó nuu ladxido' ti caguixhe lu natu –ne lu diagatu– guí'chi' ra libilisaa ca *Diidxa' Guie'* sti' Víctor de la Cruz. Sicarí, ne ca guí'chi' chiree lu diidxazá rí', zeneca' ti guiiba' ra biaapa' stidxi ca *Diidxa' Guie'* ne zacá cuxheledu ti neza gendarireeche diidxa lu guí'chi' ne lu guiiba' riaapa' ridxi ti ganda quixhebia' chaahuinu xquenda diidxaruua –huala'dxi' ne nintiica diidxa'–, guendariuula'dxi' guca'diaganu stidxi diidxa' guie' sti ca diidxahuala'dxi', racala'dxidú gacanedu guixhele' xquendabiaani' guirá' binni xquídxinu ne ca diidxa' sicarú sti' ca binnihuala'dxi', ne zaqueca cabidxidú ca binnizá gú'ndaca' lu diidxaza stica' lu guí'chi', ne zaqueca gúnica' ni lu guintiisi diidxa'.

**Ejemplar de cortesía, prohibida su venta**

